

Christian Gravius Johannes Urbanus

**Carmina Gratulatoria. In Festivitate Nuptiale Ornatis Viri ... M. Iacobi  
Simonis, Rectoris Scholæ Smalcaldensis fidelissimi: Et castissimæ virginis  
Mariae, Grauis viri D. Antonij Steitzij, Quæstoris Hennenbergensis apud  
Smalcaldenses, filiæ**

Smalcaldiae: Michael Schmuck imprimebat, 1582

<http://purl.uni-rostock.de/rosdok/ppn1775706753>

Druck Freier  Zugang



Be

B.

N. Svencerus.

LI



CARMINA GRATV  
LATORIA.

INFESTIVITA  
TEM NVPTIALEM OR  
NATISSIMI VIRI ERVDITIO  
ne & virtute præstantis M. IACOBI  
SIMONIS, Rectoris Scholæ Smal  
caldensis fidelissimi: Et castissimæ vir  
ginis MARIAE, grauissimi viri D.  
Antonij Steitzij, Quæstoris  
Hennenbergensis apud  
Smalcaldenses,  
filia.

SCRIPTA

A

M. CHRISTIANO GRA  
VIO F. ALLENDORPHEN  
SI, CONRECTORE SCHOLAE SMAL  
caldensis, Et Iohanne Urbani Ornhuſa  
no eiusdem Collega.

SMALCALDIAE  
Michael Schmuck  
imprimebat, 1582,

*FP Svencerus, Nicolais 12*

**N**ulla'ne proh uestrum tangit miseratio pectus  
 Parca crudeles, inuidiosa cohors?  
 Nulla'ne te pietas, pretium nec permoret ullum  
 Stamina ne rumpas de tribus una soror?  
 Tot iuuenes reuocas sub leges atq; puellas,  
 Quæis placuit sacro subdere colla iugo.  
 Cur non inuisis Papam rasamq; cateruam  
 Qui thalamos carpunt demone patre sati?  
 Perde magis reprobos, qui spernunt dogmata uerbi  
 Et qui blasphemant nomina sancta DEI.  
 Ah tua peruersa est nimis hæc & auara uoluntas  
 Qua sine delectu mox bona queq; rapis.  
 Possset id exemplis multis uerisq; doceri,  
 Sed misis alijs hoc mihi sufficiat:  
 Margaridi uiridi quod stamina rumpis in æuo,  
 Quæ fuit eximijs nobilitata bonis.  
 Exuuias recipit tantum ex animæ humus alma  
 Spiritus ast summi tendit ad astra poli.  
 Quare docte piæ lachrymas cohibeto Magister,  
 Nec gemitus acres ædito corde nimis.  
 Sic fuit in fatiis, fuit hæc diuina uoluntas,  
 Parca tuam rapuit non prohibente DEO.  
 Sed Deus his motus lachrymis respexit amarant  
 Conditionem animo commiserante tuam.  
 Quod, mihi pauca loqui liceat si, carmine filo  
 Contextum tenui commemorare iuuat.  
 Qui Deus ex nihilo conuexi climata cœli,  
 Ac uerbo mundi grande creauit opus.  
 Condidit ex lutea massa qui primus Adamum,  
 Vidit & ut sociam possset habere parem.  
 Nempe refrigerio dulci ne solus ab omni  
 Desertus, terras uiseret ipse nouas.  
 E lateris costa exerta stertentis Adami  
 Dum fingit Nympham damnatq; carne leuat.  
 Hic Deus ac hodiè medio in discrimine uitæ  
 Fidentes nescit deseruisse sibi.  
 Quilibet ille suam sociam nunc iungit amatam,  
 Tollat ut ex animo tædia dura uiro

A patre

**A** patre nummato bene linquitur ævis aceruus  
 Magnus, & heredi prædia culta, domus :  
**A**st nulli nisi dante Deo coniungitur uxor  
 Prudens, cœlesti hæc munere sola uenit.  
**N**ec casu cuius datur hæc sed iussa sequenti  
 Summa Dei, fidei quem pia cura tenet.  
**T**alis uirgo tuis & moribus apta Magister  
 Nunc thalami scandit fulcra pudica tui.  
**E**rgo tui luctus queruli iam tristia deme  
 Signa, uir Adonij fama decusq; chori  
**S**atq; genas lachrymis, sat fletibus ora rigasti,  
 Nunc decet his lachrymis imposuisse uices  
**N**amq; Deus luctus meliori sorte leuauit,  
 Intrat dum thalamos casta Maria tuos.  
**H**er CLaras LVces ter APRILis habebat Vt OCTO,  
 Margaris aVFertVr sponsa IaCobe tibi.  
**M**argaris ab mortis liquefacta inmitis aceto  
 Concidit, in primo flore puella iacet.  
**C**oncidit ab decimum nonum cum dimidiatum  
 Annum finisset Margaris illa pia.  
**O**CTobris sVrgit LVX ast Vbi qVina ter aLba  
 QVa regit eos sCORPIVS asper eqVos :  
**I**VngitVr en IaCobe tibi fato pia VIrgo,  
 NoMina qVæ Christi grata parentis habet.  
**C**um tibi Margaridem defunctam propter amaror  
 Tristis torqueret pectus ubiq; tuum.  
**D**ulcis amaricies tibi præsto est ecce Maria  
 Munere diuino consocianda toro.  
**D**ulcis amaricies ut sit tibi foedere lecti  
 Casti, coniungit prouida cura Dei.  
**E**t iucunda tuo posthac solatia mæsto  
 Præbeat ut cordi, nomen & omen habet.  
**S**ic solet omnipotens pia iussa beare colentem  
 Intret ut illius nupta petita torum.  
**C**onuenit ergo nouis tristem deponere frontem  
 Sponsis, ac læta degere mente dies.  
**N**omen & omen enim faustum qui contulit, ille  
 Conferet in uestros omnia fausta toros

*In Mara fontes uelut hic dulcauit amarus,  
 Israel posset queis releuare sitim.  
 Sic præsens aderit uobis sine fine, labores  
 Iucundos reddet, coniugiumq; bonum.  
 Concordes animis Pylis uiuat is ad annos  
 Turturis in morem, pax dabit alma DEI.  
 Speratos thalami fructus dabit, ut quoq; uestra  
 Sit sine lite domus, nec sine prole torus.  
 Gratulor ex animo sponsis hæc, & mea ne sint  
 Irrita uota Deum supplice uoce precor.*

## ALIVD.

**A**gmine Pieridum comitatus nuper A pollo  
 Visurus caros uariae regionis alumnos  
 Liquerat Aonios properato tramite colles,  
 Teutonibus & magni casu delatus ad oras,  
 Leucorin Albiacis illustrem uiderat aruis,  
 Viderat & uitrei cultissima littora Sala,  
 Quæq; potens latè Saxo, indigenæq; Thuringi  
 Arua tenent, aruis & condita moenia seruant.  
 Francica restabat tellus adeunda per alti  
 Culmina Thyrigetum nemoris, qua Smalcalls undas  
 Colligit & rapido transit sua moenia cursu.  
 Huc ubi peruentum, radiantis lumina uultus  
 Dirigit ad rigido stridentes ære cavernas.  
 Miratusq; uiros Aethnae more cohortis  
 Ictibus alternis ignitas tundere massas,  
 Constitit atq; oculis seruentibus omnia circum  
 Lustrauit, si quos forsitan reperiret alumnos.  
 Lustrauit reperitq; uirum pietate celebri,  
 Doctrina & sanctis cultores moribus inter  
 Pierios primas summa cum laude tenentem,  
 Nomine Iacobum Simonis, clara periti  
 Cui titulos merito tribuere Lyceæ Magistri.  
 Scilicet is denso circumdatus agmine stabat,  
 Et teneram fida tractabat mente iuuentam.  
 Astitit & limis tractantem inspexit ocellis

Conuer-

Conuersusq; Deas astantes talibus in fit:  
Ergone tot nostri causa tolerare labores  
Hunc decuit frustra, nec erit mea grata uicissim  
Dextera cultori, ducetq; inglorius æuam?  
Non ita, non pietas, non rerum plurimus usus,  
Non patitur uirtus, & pectora nescia falsi:  
Nec mea maiestas toto notissima cælo  
Iustitiæq; decus solitum sinit ista. Quid ergo?  
Nonne sat est illum titulis & honoribus olim  
Ornasse & doctos inter posuisse magistros?  
Nil minus: at munus decies præstantius in stat.  
Quæritis? astriferi summus moderator Olympi  
Ingeniam clara natam de stirpe puellam  
Connubio iunget stabili thalamoq; locabit,  
Illa nempe die fallax qua portitor Helles  
Mergitur æquoreis post tertia sidera lymphis.  
Dum loquimur properante dies pede transit, & ipsam  
Tempus adest denso iuuenum quo cinctus uterq;  
Agnine, diuorum sacras statuetur ad aras,  
Pendula iam dudum sonuerunt æra nouæq;  
Tympana lætitiæ reboantia signa dederunt.  
Vos igitur celeres Hymeneia festa Camœnæ  
Mox agitate, uias & suauolentibus herbis  
Spargite purpureis redimitæ tempora fertis,  
Mox & io resonate, nouis date florida sponsis  
Munera, quæ nostro sunt plurima semper in horto.  
Dixerat: at dicto citius per amoena uagatæ  
Prata Deæ, celeri fragrantes pollice flores  
Quæq; metit, studijsq; operi certantibus instant.  
Mox redeunt plenis & roscida dona canistris  
Expediunt, aptos non frustra condita in usus,  
Certatimq; nouis inflexo poplite sponsis  
Dona ferunt, tali serie & gratantur honorem:

CALLIOPE BACCAR.

Prima ego Calliope iusto feror ordine, uocis

Me decor isthoc nomine donat.

Per uarias docui primò signare figuras

Verba, sonosq; inscribere libris.



Hinc me perpetuo uenerantur honore uetusti  
Laude pia memorantq; poetæ.  
Liuida crescentem temerè me sæpe momordit  
Lingua, nouoq; inuidit honori,  
Sed uiridi teneram defendi baccare frontem  
Nec nocuit mihi triste uenenum.  
Conuenit inde nouos donari baccare sponfos,  
Ne liuor crescentibus obstet.  
Vos igitur placida donaria sumite mente  
Hæc, nostri memoresq; tenete.  
Sic liuore torus uester sine fine carebit,  
Et multo crescetis honore.

CLIO MYRTVM.

Clio ego Calliopen sequor, hæc mihi nomina fecit  
Gloria, de myrti germine dona fero.  
Quæris cur alijs neglectis floribus una  
Cesserit in partes myrtus odora meas?  
Myrtus sacra Deæ Paphiæ castiq; caloris  
Indicium est, sponfis conuenit inde nouis.  
Munere sic tenui non contemnenda monemus,  
Scilicet ut sponfos mutuus urat amor.  
Vrat amor firmo iungens duo pectora nexu  
Condidit Aethereus talia uincla Deus.  
Iam qua nos dedimus uos mente capeßite myrtum  
Pectora uestra pius sic quoq; iungat amor.

ERATO TEUCRION.

Exultans Erato tertia sum, mihi  
Nomen conueniens cecit amoribus.  
Alternos numeros prima feror lyre  
Expressisse pedum sono.  
Saltandiq; modos se mihi ceteræ  
Debere ingenuè dicere sustinent.  
Hinc me perpetuis effero gaudijs  
Nec curas moror anxias.  
Quod Teucris dedimus germine floridum  
Munus ( crede mihi) non temerario

Ausû

Ausu nec stolido fecimus impetu,  
Ipse causa subest rei.  
Oppressos uarijs, cura, negocijs  
Splenis sepe solet uiscere turgido,  
Mordere & lateris pungere morbidas  
Partes tristifica lue:  
Admotum lateri Teucrion a solet  
Ictus e tumido pellere uiscere.  
Sponsis inde damus munera Teucrion,  
Hortamurq; fideliter:  
Ne rebus uarijs se temere ingerant,  
Et uita subeant tanta pericula,  
Sed curis hilarem latitiam suis  
Alterna uice misceant.  
Quare si qua tui tedia muneris  
Te sponsum capient, mox Mariam tuo  
Dilectam lateri suauiter admoue  
Donati uice Teucrij:  
Et te sponsa rei cura domestice  
Cum tristem dederit, mox adhibe tuo  
Iacobum lateri tristitia locus  
Toruæ non erit amplius.  
Sic nostri memores uiuite Teucrij  
Crescentes opibus, prole & honoribus  
Viucendoq; senem uincite Nestora  
Fausto quod precor omine.

THALIA AMARAN  
THVM.

Me quarto numerant loco sorores,  
Cui nomen uiridis color Thalia  
Fecit, perpetua suum quod artes  
Cultorem soleant beare fama.  
Hinc nobis amaranthus inter horti  
Flores Aonij putatur esse  
Concinuus, sine namq; sine floret.  
Hunc uobis damus & precamur usq;

Vt felix thalamus uigore uester  
Optato, uice floreat perenni.

MELPOMENE RVTAM.

Quinto Melpomenen me referunt loco,  
Cantatrix latio nomine nuncupor.  
Instans cum series munera iusserit  
Nunc me ferre, breui qualia conferam  
Narrabo: est uiridis ruta, quid hanc feram  
Miraris? tenera est res amor, at ferox  
Illi sepè parat lingua periculum,  
Mentes felle linens uipereo pius.  
Ergo coniugibus ruta potens nouis  
Detur, quæ ualeat toxica pellerè,  
Ne pessum rapiant nobile uinculum.  
Hanc quaeso placida fronte cape site,  
Sic mordax thalami liuor amabile  
Vestri non poterit ledere uinculum.

TERPSICHORE HYACIN-  
CINTHYM.

Sede quæ sexta numerata tandem  
Subsequor, me Terpsichoren sorores  
Dictitant, quod sim cytharæ repertrix

Prima sonora.

Causa quæ flores Hyacinthe sponsis  
Me tuos iussit dare, non ruina  
De tua uenit, Telamonis aut de

Sanguine nati:

Muneris nostri sed ut est sonoris  
Hospites lætos fidibus dedisse,  
Sic nouos dono cupimus maritos

Reddere lætos.

Iam tuo, festis quoniam diebus  
Aptior nullus color est, quis ultra  
Te nouis dono neget esse dandum

Ritè maritis?

Sufficit, lætis manibus receptos

Hos

Hos modò flores teneant amentq̃;  
Lata sic ducant precor ut iugalis  
Tempora uitæ.

EUTERPE AMARACUM.

Septenus Euterpen locus me sustinet  
Stridentis auctor tibiæ  
Feros fuisse, nomen hinc amicis  
Cessit mihi præ cæteris.  
Mirare cur sponsis nouis amaracum  
Dono dedisse legerim?  
Me nomen inuentumq; iussit hoc meum:  
Quando leuis ceu tibia  
Inflata cor dulci ferit modulamine  
Mirisq; complet gaudijs:  
Odore sic fragrante cor amaracus  
Ferit mouetq; nobilis.  
Exile sic sponfos docet munusculum  
Vt alter alterum sonis  
Mouentibus cor usq; suauioribus,  
Crebrisq; tractet osculis.  
Amore delectentq; sese mutuo,  
Ne sancta rumpant uincula.

POLYHYMNIA HEDERAM.

Euterpen Polyhymnia  
Sector, multi iugis nomina cantici  
Donarunt reliquæ mihi  
Diuæ, meq; ferunt eloquij Deam.  
Quod si quis rogat in meas  
Cur partes hederæ germina uenerint,  
Causa est, perpetuo comas  
Fruondentes hederæ tollere gestiunt  
Leto uertice in Aethera,  
Fœcundaq; gerunt uellera fructibus  
Intermissa scatentibus.

Hinc

Hinc antiqua, uiros fortibus inclytos  
Facilis, secula, præmijs  
Ornatura, boni frondibus ominis  
Cinxerunt hederæ comas.  
Iam nostri ratio consilij patet,  
Nec uerbis eget amplius :  
Vos ergo placidis roscida mentibus  
Sponsi tollite munera,  
Et nostræ memores este hederæ, torus  
Sic uester uiridantia  
Traducat, placido, secula, pectore :  
Clarus semper honoribus,  
Fœcundusq; pia prole repullulet.

VRANIE HELIOTRO  
PIVM.

Me locus Vranien tenet ultimus, astra polosq;  
Prima notasse feror :  
Artificiq; uias radio pinxisse diurni  
Sideris ambiguas.  
Hinc reliquæ cœlo confinia nomina Diuæ  
Attribuere mihi.  
Et mea pierij coluerunt numina uates  
Grataq; posteritas.  
Sic, quia tantus honos solis mihi uenit ab astro  
Sidereisq; polis :  
Sidera quæ mecum spectat, placet unica solis  
Nobilis herba mihi.  
Hac etiam teneros, sine nec ratione, maritos  
Condecorasse iuuat.  
Multa subest illi doctrina, salubris ad altos  
Qui uolet ire polos.  
Nam uelut hæc phœbi solius lumina spectat  
Flore suoq; colit :  
Sic pia sint solum spectantia pectora Christum,  
Flore precumq; colant.  
Vtq; per obiectas nebulas ea lumine seruat  
Solis ubiq; uias :


Sic

Sic mala, Christiadam mens, inter millia Christum  
Spectet ubiq; fide.  
Post modò sub noctem, cum plurima stella micantes  
Ornat ubiq; polos :  
Despicit hæc omnes & tristia lumina, solis  
Deijcit in latebras :  
Sic quoq; delicijs pia mens abducta caductis  
Seruiat usq; Deo.  
Deniq; mane nouo, soboles Hyperionis altis  
Sol ubi surgit aquis :  
Et sua iam crocea signat uestigia nube,  
Quà rediturus adest :  
Protinus herba locum nutu designat, odoras  
Pandit ei; comas :  
Huius ita in uitæ tenebris, quæ plurima mundi  
Signa ruentis habent.  
Iustitiæ solem te Christe requirere uotis  
Ore pioq; decet.  
Hac ratione noui mea dona capeßite sponsi, &  
Mente tenete pia :  
Cunctipotente suo sic qui regit Aethera nutu  
Vos regat ille Deus :  
Donec in hac, uitam, tenebrosa ualle, iugalem  
Excoluisse licet.  
Ac tandem placidè post ultima fata receptos  
Sistat in arce poli.

Dixerat Vranie, celso stans aggere Phœbus  
Dicta probat, simul & nutanti uertice uotis  
Annuit, inde Deas retrò uocat ore palantes,  
Mox circumfusas affatus talibus inquit :  
Condite nunc calamos teneræ mea corcula Nymphæ  
Condite sat tædæ fuit indulsisse iugali  
Pegafidas, castis & uerba precantia sponsis  
Accuuisse : sibi iam dudum noster alumnus  
Quam petijt, sponsa potitur, fruiturq; potita.  
Pergite uos aliò celeri pede, cætera præstet  
More suo genialis Hymen cui talia curæ.

Sic

Sic ait & sumtis liquidum simul aëra penitis  
Diffidit Aonidum subito comitante caterua.  
At tu pieria decus ô pralustre corona  
Sponse, rudi cecinit tibi quæ, mea, uoce Thalia,  
Consule quæso boni, nostriq; ea signa fauoris  
Ceu sunt, esse puta, fidoq; amplectere sponsam  
Pectore, tu parili laudatum sponsa maritum  
Igne foue & reuenter habe, iunctimq; timete  
Mente Deum pura, precibusq; requirite, uestri  
Sic erit ipse t'ori rector, nutuq; probabit  
Quæ modò laurigeræ fecerunt uota sorores.









Sic ait et sumtis liquidum simul aëra penis  
Diffidit Aonidum subito comitante caterua.  
At tu pierie decus o praelustre corona  
Sponse, rudi cecinit tibi que, mea, uoce Thalia,  
Consule queso boni, nostriq; ea signa fauoris  
Ceu sunt, esse puta, fidoq; amplectere sponsam  
Pectore, tu parili laudatum sponsa maritum  
Igne foue et reuerenter habe, iunctiq; timete  
Mente Deum pura, precibusq; requirite, uestri  
Sic erit ipse t ori rector, nutuq; probabit  
Quæ modo laurigeræ fecerunt uota sorores.

